



Bájkkeavijssa NuorttaSálto

Vájmmeelisvuohta, værmáadahka – ja álggorijkkapolitihkka!

Tæksta: Børge Strandskog
Járggálibme: Idar Kintel

Sån vuojnná ietjasav rávvenannijiddjen ja vuojediddjen guhti galggá viehkedit vájmmeelisvuodajn ja værmádagájn. Aktan dajna galggá álggorijkkapolitihkav jádedit, Hamsuns Rike ádå stivrrajádediddje, Sven-Roald Nystø. – Ja le muv mielas stuorra ávkke gå mujna álgos ælla mannoæládusán dahkamuhá ...

Ávdep sámediggepresidænnta Nystø álgij ádå stivrrajádediddjen destinasjávnnávidnudagán, gå æládus suv vidtjuj dasi. Valla sujna ælla masjvalisvuoda miededit álgos ij le nágin “mannoæládusulmusj”, virges jalik áhpadasás.

- Valla lev ham álov manádam ja vásedam, ja lev gáváv oadtjum gáktu æládus birri dámadit gå le sáhka vásádusájs, biebmoss ja idjadimes. Fágalsj oasev galgav gal dibddet sidjij gudi dav máhtti, dán ássjen Hamsuns Rike jádedibme ja iesjgegalágásj oassálasste æládusán. Jáhkáv ulmutja dássju buorren adni gå iesj lev æládusá “álgusbielen”, miejnmi Nystø. Reiseliv i Hamsuns Rike li rádjám moadda áhtsámusájt viehka stuorra lágoj, ja ájggu organisasjávnnáv ja apparáhtav ásádit boahteájggáj.

- Mañenagi vierttip oasseulmijt dahkat, ruhtádit ja tjadádit dajt, ja navti áskáldisvuodav oadtjot dajs gudi biednigijt juollodij. Navti de máhttepuorbástuvvat guhkesájggásasj ulmijn, miejnmi stivrrajádediddje – guhti dættot sjáddá rávkálviss barggo. Daj niellja aktisasjargosuohtkanijn Oarjje-Fuollá, Hábmær, Stájggo ja Divtasvuodna li dássju birrusij 8000 ulmutja. Várnnahis sebrudahka moatte láhkáj, miejnmi Sven-Roald Nystø.

- Ulmusjláhko binnu ja gássjelisvuoda li áttjudit sihke máhtudagáv ja ruhtaábmudagáv, dá sjáddi diedon stuorra hásstalusá boahteájggáj. Juska de jáhkáv máhttepu nanos mannoæládusáv ávddánahttet. Valla de le ájnas ásádit aktisasj vuojnov ja buorre aktisasjargov daj niellja suohtkanij gaskan ja æládusá oassálasstij. Vierttip aj ásádit buorre aktisasjargov nanos institusjávnnáj dagu KUN ja Árran, ja stuorra viddnudagáj dagu Elken, Mainstream, NC ja Norcem. Ja viek ájnas le: Mannoæládusá viddnudagá vierttiji dábdát Hamsuns Rike oassálasstem vaddá positivalasj báhtusijt,

dættot sán. Iesj ájggu guossidit ienemus oasev mannoæládusvidnudagájs guovlon boahtte jahketjáhkanimie ávddála. Hamsuns Rike le juo álggám tjáhkanimij suohtkanij.

- Vierttip aj joarkket dajna buorre aktijvuodajn destinasjávnnávidnudagáj Lufáhtan, Viestarálasin ja Ufuoh tán. Ja aj fáhkaguojmij rájá nuppe bielen, Jáhkámáhken ja Jiellevären. Sierraláhkáj sáme aktijvuodan le dákkir barggo rájáj rastá ájnas. Ja galgav aj álggorijkkapolitihkav jádedit, javllá Sven-Roald Nystø, guhti sihtá vuosedit dát le ájnas nuorttaguovllo perspektijvan.

- Iesj lev ájras ráddidusá nuorttaguovllo-nammadusán, ja álggorijkkaminisstará daj guovtijn rijkajn libá goappátja dættodam man ájnas le aktisasjargojn rájá badjel, subtsas Nystø – guhti lulun adná ietjas værmádagáv bájkálasj mannoæládusá dievnnuj.

- Sierraláhkáj dan dilen gánná Hamsuns Rike le dálla, álu guládallamin ja sjehtadallamin fylkkadikkijn, Sámedikkijn ja Innovasjon Norgejn. De jáhkáv muv átsádallama ja muv dábdodo systemajda sjáddi ávkálat tja, miejnmi stivrrajádediddje.

Statistihka vuosedi mannoæládus Nuortta-Vuonan bargadahtta ienep ulmutjijt gå ednambarggo ja guolle. Juohkka lágát barge rijkguovlon barggá dán jáhtelis sjádde æládusán.

- Báddásáttjat de lip gal vehi báhtsám “Hamsuns Riken”. Valla vejulasjvuohta stuorra sjádduj le danna, sihke barggijlágón ja ekonomalásj árvon. De vierttip aktan tjuodtjot. Dánna sidáv viehkedit, hájttá Sven-Roald Nystø.

Ávdep Sámediggepresidænnta
Sven-Roald Nystø le “Hamsuns Rike” ádå
stivrrajádediddje.
Tidligere Sametingspresident Sven-Roald
Nystø er blitt ny styreleder i “Hamsuns Rike”

